

七四三40.73

139

1-2

甯

明

州

志

上

卷

自序

作志難事也非淹貫二十四史及旁通各家子集不可作非不可作也作之而人笑其妄作也即如前明一統志以衆儒臣奉天子命復寬其歲月使之成書而書中尙多舛謬爲亭林顧氏所糾以此思難難可知矣況吾州開闢尤後文獻不足無所藉以爲潤色尤難中之至難矣光緒壬午賓川 王雲書明府治吾州延 申 產主書院講席每燕見輒以此州向無志書命 申 產覓作 申 產畏其難也具述如上所說力辭不能而 明府亟命之且誨之曰天下事人人畏難是終無任事之人矣志其所知而勿強不知以爲知不亦可乎 申 產聽其言退而竭其鄙愚參以訪采纂成二卷蓋明知其難也而猶冒昧以作之滋自愧矣

光緒癸未孟陬月上元日黎申產識

甯 明 州 志

序

龍州通興鉛印行



州志凡例

各志皆列鄉賢茲易以耆舊皆列流寓茲易以過往以賢之名未易當而流寓罕知名之士也各志皆另列藝文爲一類今附於各條之下從簡省也

疆域紀

沿革

山嶺

水泉(十景附)

鄉里

分野

田賦

古蹟

建置紀

官署

學堂

祠廟

津梁

城郭

隘口(附明江及思陵憑祥思州隘口)

塘汛

耆舊

節孝

職官

科目

名宦

過往

風俗紀

甯明州志

州志凡例

二 龍州通輿鉛印行

氣候

禮節

土產

疆域紀

甯明州距京師一萬五百四十里距廣西省會二千六百二十里距鎮南關僅一百五十里世所指爲極邊煙瘴者也然南交之宅唐堯以命羲叔南交今交趾地也逮秦略定楊越置桂林南海象郡兩漢因之改爲南海蒼梧合浦交趾九真日南七郡屬交州部夫交趾九真日南三郡距今之州城幾三千里而晉之葛洪求爲勾漏令（廣西省志以勾漏爲在北流恐悞考兩漢書勾漏屬交趾郡）唐之姜公輔九真人爲宰相卽明永樂五年已復入中國版圖設無中官馬騏之貪黷此三郡不至復反而陷於夷今之州城何至爲極邊耶緣今之生長於斯者自安於極邊而不知振作官斯土者又以爲極邊而鄙夷其民故於紀疆域之始一發此論使知今之所謂極邊非古之所謂極邊也

又按明史土司傳洪武二十九年思明土府土官黃廣成遣使入貢因奏言本府自故元改思明路軍民總管所轄左江一路州縣峒寨東至上思西至銅柱元兵征交趾去銅柱百里

設永平寨軍民萬戶府置兵卒戍守命交人供其軍餉元季擾亂交人陷永平寨遂越銅柱二百餘里侵奪思明屬地邱溫如叛遠文淵脫朗五縣逼民附之以是五縣歲賦所出皆思明代輸前者本府失理於朝遂致交人侵迫日甚及告禮部任尙書立站於洞登洞登實思明地而交趾乃稱屬銅柱界臣當具奏蒙朝廷遣刑部尙書楊靖覈其事建武志尙可考也乞敕安南俾還舊封庶鄰域復正歲賦不虛帝命戶部錄所奏遣行人陳誠呂讓往諭安南三十年誠讓至安南諭其王陳日煇令還思明地議論往復久而不決以譯者言不達意復爲晝曉之安南終辯論不已出黃金二錠白金四錠及沈檀等香以賄誠讓卻之安南復咨戶部無還地意廷臣議其抗命當誅帝曰蠻人怙頑不悛終必取禍姑待之其後果爲黎季犛所篡由此觀之則元季之思明府猶以今越南諒山省西南鬼門關外之銅柱爲界從可知矣

州治東面臨江東北至太平府陸路一百二十里水路三百三十里西北至龍州陸路一百二十里水路一百六十里東南至土思州一百里西至下石土州五十里至上石七十五里

東主魁山五十里接土州界西至白馬塘四十里接下石土州界南至蕃葆嶺(俗呼飯包嶺)五十里接土思陵州界北至瓜村塘六十里接上龍土司界東南至磊落山五十里接土思州界西南至板漂隘一百二十里接越南國界東北至博美村二十五里與燕子巢毗連接土思州界西北至菊庚山(俗作菊崗係土字)五十里接龍州界統計東西相距九十里南北相距一百一十里東北西南相距一百四十五里東南西北相距一百里所轄土州四(思州 思陵 憑祥 下石) 街二(明江 墟蘇) 哨八(東西南北中鄉三村沿江沿山) 寨四(納蓮 排蓮 順甯 蕾蓬) 堡十(安馬 祥村 新村 綠柳 洞郎 亭汪 立鸚 琴律 四貫 派垂) 屯五(上央 下央 黎龍 益另 坤增)

分野

作志書者皆斷斷於分野據廣西省志述淳風一行之說而斷之謂西北抵楚者當屬鶉尾而爲翼軫之分野在東北接吳者當屬星紀而爲牛女之分野且按其氣候近西者寒煥平分田禾歲止一收近東者煥多寒少田禾歲有兩熟氣候既殊則分野亦當各別云云則甯明似宜屬牛女分野然不敢臆決也善乎陳臥子之言曰分野之說自古有之然中國之於天下數分之一耳奈何以周大之星而分配於中國之地止以辰星廟爲蠻夷之星乎且兗青徐千餘里之地而占角亢氐虛危奎婁胃八星吳越以南濱海荆楚以南包嶺何啻萬餘里而皆在牛女翼軫之分乎此皆不可解者也

沿革

史記紀顓頊曰北至幽陵南至交趾交趾尙在此州外則此州之通聲教久矣祇以後王德薄不能遠有途淪於蠻夷兼以從前罕紀載之書故於兩漢雖知其在此州七郡之中而不能確定爲何縣下此愈難溯其原委矣所可考者則在宋皇祐間黃善璋授成忠郎管轄永平寨始黃善璋者字玉寶隨狄武襄公征儂智高有功奏設永平寨以公管之其疆域所至奄有今明江分府甯明州土思州三處之地分四十四哨四寨十堡五屯至元改爲思明路軍民總管世祖時三征交趾皆於此駐師明洪武初其後人有黃忽都者表地以獻帝仍俾其世襲而改路爲府忽都嘗入覲請於帝以所轄地寬廣且逼近蠻夷乞將隔江之八哨四寨五屯俾其弟忽第分理帝許焉由是設思明州隸思明府州治在今夏洲村數傳至黃震始移治於今所其思明土府之革而改駐明江分府在 國朝雍正十三年緣土府黃觀珠昏庸不德諸事聽家人阿娜所爲民不堪命因共殺阿娜而叩闕也然仍割府東三十六哨地別立思州令其後人世襲以延善璋之祀思明土州自移州治之後數傳至河龍公當明

甯明州志

六 龍州通輿印行承刊

鼎革之際不忍薙髮遂將州職付其子一位而隱逸以終一位卒傳子玉中時玉中之諸父一統一爵欲謀殺玉中玉中逃出太平府以免知太平府事擒一統一爵充遼陽軍再傳至而芸亦昏庸不德江西客之行商於州者而芸嫉惡少要而奪其貨爲江西客人所控及他不法事亦以雍正十三年以後毓其世職設流官如今制焉

沿革表

秦漢三國六

隋唐五代

宋

元

明

朝

秦為百粵地
漢武帝使伏
波將軍路博
德平南越間
當在郡其時
內其地屬何
縣則不可考
矣謝縯山中
丞廣西通志
以今之崇善
為漢臨慶雍
雞兩縣地則
甯明似亦宜
屬此兩縣

隋無考唐為
羈縻思州
地隸邕州都
督府五代無
考疑當為南
漢

為羈縻思明
州地仁宗皇
帝初狄武襄
破儂智高於
邕從征有功
者授成忠郎
於思明設永
平寨俾之世

為思明路仍
黃氏世襲鎮
元世祖命征
南王脫驩職
安南時鑿為
者為黃堅後
嚮導入朝世
從王入朝世
祖悅之賜撫
其背親酌賜
之衣服金帛
授助虎符龍
虎上將軍廣
西兩江道都
元帥仍思明
路軍民總管

漢武二年為
直隸行省九
隸布政司仍
襲時歸命得
為黃忽都元
思明府無思
忽都入觀請
所轄地遠關
蠻夷乞將隔
哨西寨五屯
黃忽第分治
是為思明州
蘊山中丞廣
則云思明州
思明府同族
黃鈞壽歸命
世襲其名不
知

甯明州志

七 龍州通輿印行承刊

三國六朝無考

孰是或鈞壽即忽第之改名歟

山嶺(藝文附錄)

州治十五里內無大山西南二面有土嶺不甚高高十五里外則連山羅列多不可數亦不立名字昔人嘗謂若移一二山於中原登眺題詠不知凡幾矣物以罕而珍以多而厭其理勢然也距城愈遠則山愈奇然樵夫牧子知其奇而不能傳之以文士大夫又不能身歷其境無由知其奇也合以耳目所接者列之於篇特十之一耳至州之南則皆土山東西二面則土石山錯雜北面則皆石山此一州山勢之大局也

楓門嶺在城東北二十里隔河爲陸路赴太平府之大道有汛兵戍守嶺上砌石爲鞏門如城門狀俗呼爲交貢嶺相傳前朝交夷入貢於此嶺交點貢物鞏門上有雄鎮西南四大字嘉靖二十五年三月初三日照磨董浴(下一字蝕)書其山氣勢宏闊行路者於此小憩俯視川原心胸開拓清風時至習習生涼亦勝境也道光中盧翰坡司馬昆鑾有詩云一符分領出邊城遠上秋山策馬鳴卅里清風森茂樾半林黃葉熟新橙屏藩西粵開蠻服冠冕南天指客程荒僻盡知尊帝極層樓高拱白雲橫蓋鞏門上祀真武北向故結聯云爾

甯明州志

八

龍州通輿印行承刊

珠山一名英山在城東北十五里其山壁立直臨江水上半凸出如龍額下半正平如削舊傳昔有漁者於黑夜時見光影如燈往來閃爍疑其珠也因以爲名山之上游百步許於道光庚子年崩下一石其聲如雷至今江路有亂石堆疊縱橫即昔年所崩下之碎石也占者以爲再逢庚年必有大亂果至庚戌年而盜賊蠭起思弱冠時計偕北上舟晚泊於此曾有詩云一聲欸乃一帆風恰到珠山繫短篷客路鄉心流水外船頭人影夕陽中崖懸似壁盤孤阜沙迥如霜落斷鴻好是晚霞時點綴選詞合唱滿江紅附錄以誌一時風景

掛初山俗名叢珥囊在州城東南二十餘里安馬村後俗傳昔有女仙降此今其宮闕遺址尙存然此特齊東野語耳大率昔人於此建立廟宇久而毀圮故其石礎磚瓦間有存者山中古樹輪囷一水縈繞山椒有洞素無居人而黑夜望之如燈光然所謂榜山光燄也山多草藥習草藥者皆往采取然苦幽邃入者往往迷其出路故須裹十日之糧然後得出聞諸采藥者云其草多不知名與原隰草不類蓋奇草也

斗山在城東北十五里近夏洲村山上樹木叢生爲州中禁人翦伐其下多石灰窰

其石灰勝於他處

獨秀山在城東北十五里一峰獨立旁無依傍與桂林之獨秀相髣髴

雷篤山在州南稍東十五里距納蓮村五里許將至山頂草木陰翳望之奧如洞口徑尺許
偃僕而入有路可平身行行約一炊許不見大日出洞始廓然開朗登山頂四望則遠近村
落歷歷可數亦奇境也愚於道光庚戌偕客避賊於此有詩云雷篤山爲雲所粘人來避賊
爭攀援我時久病瘦可憐足力未健形虛屨一上一喘如老健自辰行至日影圓始得隨人
登其顛其顛密箐排森嚴老藤古樹相牽纏槎牙瘦硬形萬千望之漆黑如深淵蛇行而入
身曲卷幽絕無復日影暹腥風一陣吹鼻尖知有豺虎其中眠不爾亦是林中蚺聊復放膽
行直前曲折循徑如由蛇行一炊許方豁然別是人間一洞天刈茅借取田家鎌聊蔽風日
如寢苦形影相弔淚漣漣居之寢久幽興添因復散步爲觀瞻白衣蒼狗雲回旋濛濛毒霧
飛孤鳶伸手如可捫斗躔俯瞰下界神邈緜隱隱約約數點煙知是某村屋蟬聯遺世獨立
仙乎仙噫嘻吁若非避難屢播遷如此奇險誰知焉我來得此喜懼兼聊賦巴詞爲之傳

甯明州志

九

龍州通輿印行承刊

牛角巖在攀龍村距城三十里望之如牛角形故名壁立數十丈無路不可上巖中有鹹土
可煎作硝粵東客民之勇健者伐大竹留其旁節三寸許以代梯緣登采之然所出亦無多
也

青雲洞亦在攀龍村可援而上然未經攘剔遊者惜之

耀嶺在州南半里每江漲時登嶺四望見州城及近水各材煙樹隱約汎汎水中風景殊勝
鳳翼坡有二處一在州東南蒹蓮村以形似得名一定明江譚家所葬山也

鍾英山在夏洲村後

龍騰山(俗名蟒層)在城西北二十五里州人以新年上元節前後入此山伐木

巴字山距城十五里山上有二石如人對坐之形山麓一巨石有穴吹之如吹海螺之聲

牛羣石城西門外稍北三里許有亂石如羣牛然

鯉魚山在州東北三十里由陸路赴太平府者道中望見之蓋峭壁中有形如鯉魚云

花山距城五十里峭壁中有生成赤色人形皆裸體或大或小或執干戈或騎馬未亂之先

色明亮亂過之後色稍黯淡又按沿江一路兩岸石壁如此類者多有

蕾沙山在納覺村後山甚高近山頂處於中微凹有泉流出前明蕾沙大將結壘於山頂居之歿後後人於山頂立祠今移於山麓俗所流傳之事甚怪不具錄

磊落山在州東南四十里自山麓上山頂約五里許山背即土思州界土山戴石形狀詭異舊傳中有銀窖而不可取故諺語云馬亂嘶開得此山時養活廣東與廣西山下有流泉附近之田資其灌溉山深多猛獸長蛇蛇能吞小鹿光緒辛巳六月間近山之派垂四貫等村見山上有白衣人成羣駭而趨視之則無所見蓋雲氣也至八月中秋節江水大漲漲高於歷年所漲之數幾二十丈父老曰此山出雲有異形主大水也一名雷麓山每朝日初升光彬炫耀令人流連不盡

藩葆嶺在州南五十里山甚高峻爲走思陵土州之路行者三休而後上俗呼爲飯包嶺以其形圓似飯包或云走思陵路者包飯而往至此解而食之故以爲名

鳴琴洞在州西三十五里白馬山石壁隱約如白馬形因以爲名山內有洞洞凹處有流泉

洞上石罅有滴水水滴泉鳴自成琴韻前郡守查儉堂先生禮有石刻詩望望白馬山山骨盡屹立陰薄日影偏松柏覆如笠不知巖壑深但覺衣裳溼泉聲弄鳴琴古調奏緩急高山旣我招流水復我答我志恒於斯幽賞今始愜惜我往來稀枯桐我空挾乃以屬洞名應喜知音狎洞中石刻予未親見但聞諸人言而不能舉其辭後得公後人所刊公集名銅鼓書堂遺藁者具載此詩題爲遊白馬山鳴琴洞題下自注云洞舊以山名今改曰鳴琴因知所謂石刻者其爲此詩無疑因亟錄之又按集中詩皆編年此詩編在乾隆二十五年庚辰此詩之後綴以二月二十五日啟鎮南關納安南國貢使詩蓋因啟關而便道來遊也

水泉(藝文附錄)

明江水源出十萬山十萬山者羣山相連糾結橫亘南北以其多不可僕指故名山以東爲廣東界以西爲廣西界也山下出泉隨處而有亦不能確指何處爲源只自其匯合之處觀之一則匯於上思州城之下游十餘里某村水從懸崖流下望之如垂簾舟至此不能上矣一則匯於上思州屬之灘後村迤邐而上至思州屬之平福墟(一名新墟)此兩路水至王雄村而合乃歷上思州而下歷四貫左頭等村至古之思明府謂之明江歷州城東至珠山攀龍瓜村出江口塘合龍州江環繞上龍土司之渴零村順流而出太平府謂之麗江嘗考之水經注當卽古之斤江也後讀查儉堂先生禮受江亭碑記亦以爲然小川俗謂之交趾河亦有兩源一出越南公母山之西出上石歷曼陵納流納賢納密等村至下維村界一出越南公母山之東出板宙板歷排蓮江納蕾蓬伴竹等村至下維村界兩水相合過順甯寨入明江

杯玉泉在州屬明江廷輔村前舊名太子井明解大紳縉爲廣西參議時曾寓明江書院書

甯明州志

十一

龍州通輿印行承刊

院距泉不遠解公嘗題詩有見說馬蹄眞異事渥注原自產龍媒之句 國朝乾隆丙申署明江分府牟公鈐重贊河之易今名知太平府事葉公藩作捐修杯玉泉記今全錄如左明江舊爲思明土府治 國朝改駐太平府治中其南面江西流數十里東北自楓門嶺而下平衍逶迤西麓有井土人稱爲太子者也按志元世祖十九年安南叛鎮南王脫驩及右丞唆都太子討之軍行至此馬跑地得泉取飲之味甚甘美年遠井廢今刺史西蜀牟公鈐來權治中事鳩工贊之以其名不雅馴易之曰杯玉泉用明解大紳詠此井詩也東通甯明州路田塍中有井曰角貼味冽於杯玉泉井右下爲魚塘左下爲平疇乃懸坎其上清冷一勺隱居於夷中朝士大夫罕至惜不遇辨水人而名不彰獨使西麓之井擅譽此陋矣牟公來徵文於余甯明州刺史楊公紹裴刻石以告來者時乾隆丙申九月也 賜進士出身翰林院庶吉士知太平府事仁和葉藩記

策井在州屬明江廷輔村後與太子井相距不遠水味甘冽卽前杯玉泉記所指爲角貼井者也余嘗親歷兩井詢之士人土人又云有宦井者味更勝於太子角貼兩井然則境雖奇

也亦以未經品題而湮沒豈獨此井也哉

營井在城內南隅以其近城守營故名初城中無井咸豐元年知州事劉敬亭先生作肅抵任適值賊勢猖獗慮其環攻而絕水也乃於城內四處掘井終無所獲最後於此處深深鑿之乃得鑿工費錢數百千而水出頗少時避賊入城人衆爭汲則水渾故欲得清水者率以夜半往汲厥後無賊警人罕汲之今將成智井矣有心者宜浚治之

壘井在州城南門外半里耀嶺下水甘甲於他井每值越南入貢及貢之回故事以左江道太平府及新太協鎮前往親臨開關而州以南如趙蠶憑祥等處水泉素號多毒飲之生病故遣人夫即太子井挑取若干前往爲各官煎茶烹飪之用而人夫多以此井水充之蓋此井水味井與太子井同也

濠井在州城西門外半里俗所謂紅門者也前知州事張芙初明府鴻芬捐廉重鑿瑤井在城南門外少東一里近河德威祠一里所取飲之井也

鑿井巨石皆出東門外江岸昔時父老取石於此東門人衆而悍驅逐之取石者畏而卻回

甯明州志

十二

龍州通輿印行承刊

里有大力甘公者語諸後生曰隨我往取石衆隨之至則東門人出驅如前甘公取巨石約重五六百觔者負肩上語東門人曰若欲翻者請前東門人詐舌嚙不敢出聲諸後生遂次第運石以還

鑿井在城北門外半里曩時水味甘冽土官在任時爲土官一家獨汲之井汲畢即封鎖不許民間共汲也土官將改流時水味忽變苦不可食今與各井無甚異

紛綸井在州城南門外與壘井祖距不遠自然大成非關人鑿然路稍遠無人汲飲惟江漲時各井爲江水所淹始一汲焉此井原名紛綸咸豐改元劉敬亭刺史蒞任每徒步從一僕周閱城外一日散步至井邊適愚及數人在焉公問此名何井愚曰紛井公曰當加一字名紛綸井隨問井邊人曰解否諸人答以不解公曰獨不記五經紛綸井乎愚應聲曰然是大春也公爲之一笑

東湖在城東三里許舊傳其地原係一村某年村中忽見一白牛自外至村中人以牛之無主也殺而分食之有老寡媪無子衆不分其肉翼日有一父老問媪曰白牛之肉汝亦與食

乎媪以未與對父老曰不食甚好明日一村盡陷爲湖獨贖一土地祠及老媪屋耳至今湖水雖大旱不涸人意其有龍也州中每值歲旱禱雨於湖邊設壇集諸道士誦經官卽壇行禮畢遣漁者網魚得魚則以硃筆書求雨狀納入魚口仍放湖中使達諸龍每每卽日得雨言似近於迷信以其流傳甚舊姑述之以俟識者一名釀湖湖中蓮藕自生夏月花開爲避暑之勝地惜無好事者爲建憇亭也

宏珊潭在州南二十五里曼山村畔下有潛龍水深碧近望之令人肅生然畏其潭依山或以石灰百十觔投之大雨立至歲旱時以虎頭骨投之亦能致雨也

瀑布在龍隱村水從山頂流下聚而爲潭風景殊佳惜僻處僻中士大夫罕到遂湮沒不彰是可惜也

蟹沱潭在排蓮村卽交趾河所經歷者每將大雨或江漲則潭底有聲如殷雷蓋龍吟也村人候之歲歲如是

附思州燕子巢村後有一處四山圍合無縫中有一洞僅容人牛出入入其中平坦寬敞可

甯 明 州 志

十三

龍州通興印行承刊

容數百家有畚池可墾咸豐初年盜賊充斥彼村中人悉遷其家具入內搭棚以居以石瑾其洞口賊無由入想陶靖節所記之桃源亦如是矣

又燕子巢山下有一井行者未至井數里卽聞鐘鼓鏗鏘之聲蓋山下有伏流水水石相激而成聲也村人不知以爲神怪有問及者輒搖手使勿言每江水漲則此井亦溢溢出高下之度亦如江漲之度然必江漲消後此井乃溢又莫明其理也井溢復有魚隨出狀畧似鼠味甚美土人每值井溢時家家舉網取魚多者至百許觔食之不盡則投熱釜中不去腸雜燻取其膏以饗盛之以代豕膏井溢後極難消溢愈多則消愈遲光緒辛巳年八月中秋大水至次年正月始消盡云

州屬憑祥土州有翠屏山橫亘如屏正在州署後

州屬憑祥土州有一巖巖內石白如雪空洞寬敞可遊土人以祀北帝謂之北帝巖

附十景

榜山光燄

詳見掛榜山條下

玉井清冷

詳見杯玉泉條下

馬洞仙琴

詳見白馬洞條下

蟹沱雷鼓

詳見蟹沱潭條下

珠山晚泊

詳見珠山條下

楓嶺秋吟

甯明州志

十四

龍州通輿印行承刊

詳見楓門嶺條下

雷麓朝暾

詳見磊落山條下

明江夜月

詳見明江條下舊傳洞郎村尾灘水中有石堆水流激石潺潺有聲中有一石正平月印波心波翻而影不動後土府鑿取此石月影遂渙散非復舊觀云

醞湖消夏

詳見東湖條下

耀嶺觀瀾

詳見耀嶺條下

按思明舊志以太子清泉楓門峻嶺明江夜月將臺夕照蓮塘風雨飛仙碧巖龍蟠疊嶂仙人戲弈爲八景蓋皆指明江一邊而未及甯明也州中前輩農勉之先生有編甯明八景詩

又以明江古渡洞岳朝天竹澗煙雲珠山關鎖彈琴白馬壯武紅門半月東湖如銀泉水當之亦指甯明一邊而不及明江蓋其時猶分疆界故耳今明江既併入甯明則當合兩邊之景以爲景而不必泥古人之陳跡矣又况時移世易滄海桑田考明江八景所謂仙人戲弈飛仙碧巖者今皆不能確指其處或以爲即掛榜山中所有之景而蓮塘則已變爲稻田將臺只一土坡無可眺望農先生所編之竹澗煙雲如銀泉水今亦不知其所指而洞岳已變爲畚地明江古渡壯武紅門亦無可觀故愚竊以己意僭爲併合略爲更改其明江夜月仍舊志也玉井清冷楓嶺秋吟雷麓胡噉即舊志之太子清泉楓門峻嶺龍蟠疊嶂也榜山光燄即舊志之飛仙碧巖仙人戲弈也珠山晚泊馬洞仙琴釀湖消夏即農先生之珠山關鎖彈琴白馬半月東湖也其蟹沱雷鼓則愚聞諸村人耀嶺觀瀾則愚所親歷特附編焉

鄉里

明江街距城十五里州中一大墟場舊思明土府治也 國朝雍正十三年始革土府改駐明江分府然分府雖駐明江所管轄者乃遠在上石一帶（上石人考試則歸分府入學則撥府學）其明江街及附近十堡考試者皆歸甯明訟獄亦然未審當日立制何以如此其地又駐新太右營守備一員千總一員二司把總一員 趙蠶街距城三十里有墟場其地駐趙蠶營都司一員千總二員把總二員附近有博士村者不歸甯目所管詢諸村人始知此村初係白地後有人來開墾趙蠶街中人以爲地屬通街收其地租遂沿以爲例至今小事皆歸趙蠶街老調處焉

以上二街

東甯所屬各村

納麗村（舊名那利距城八里）

納排村（舊名那牌距城二十里）

弄隆村（舊名弄隆距城廿五里）

碩謨村（舊名諾磨距城二十里）

菊庚村(舊作菊寅字書無此二字距城卅五里)巴坦村(巴舊作巴土字距城廿五里)
西哨所屬各村

壯驄村(舊名丈梯距城六里)

陌照村(舊名响灶土字距城五里)

都奇村(舊名斗旗距城一里)

福祿村(舊名法祿距城一里)

博疆村(舊名埔江距城二里)

納稼村(舊名那夏距城十五里)

納祿村(舊名那獨距城十五里)

納密村(舊名那林無此字距城卅里)

亭嶂村(舊名廳匠距城十五里)

納僚村(舊名那僚距城四十里)

叵羅村(舊名叵羅土字距城四十五里)

巴壯村(舊名巴丈距城四十五里)

國寶村(離城五十里)

納勃村(舊名那勒離城五十里)

曼陵村(舊名板零離城五十里)

納饒村(舊名那蕘離城五十里)

洞平村(離城四十五里)

南哨所屬各村

甯明州志

十六

龍州通輿印行承刊

納理村(舊名那喇離城一里)

載版村(舊名寨版離城五里)

載甘村(舊名寨干離城五里)

浞密村(舊名汪末離城五里)

博冪村(舊名浦瓜離城五里)

博麻村(舊名浦坵離城五里)

上維村(舊名上韋離城十五里此村分屬三哨)

北哨所屬各村

曼陀村(舊名板馱離城八里)

沐洲村(離城十五里)

夏洲村(舊名下州離城十五里)

弄甯村(舊名弄佞離城二十里)

博望村(舊名浦王離城二十里)

和感村(舊名何趕離城二十里)

庚珍村(舊名寅真離城二十里)

博鳩村(舊名浦坵離城二十里)

博果村(舊名浦吳離城二十里)

博維村(舊名浦韋離城十五里)

巴字村(舊名巴寺離城十五里)

蓄楞村(舊名出陵離城三十里)

中鄉哨所屬各村